

# Tayta Diospa Palabranta Yarparäshun 4

Quechua de Huamaliés-Dos de Mayo  
Huánuco

27-agosto-2019

Las citas bíblicas en quechua vienen de: **Tayta Diospa Wilakuynin** *Las Sagradas Escrituras en el quechua hablado en Huamaliés-Dos de Mayo, Huánuco, Perú*. Publicado: 2003, 2019, Liga Bíblica del Perú. Texto: © 2003, 2019, Wycliffe Bible Translators, Inc., Orlando, FL 32862-8200 USA (www.Wycliffe.org).

Asociación Cristiana JAWCA, Pasaje San Mateo, Lote 05, La Esperanza – Amarilis, Huánuco, Perú. RUC: 20404799534.

## 46 OFRENDASHUN

*2 Corintios 9.6–7*

Musyashqansinöpis walkalata muruq kaqqa walkalatami shuntan. Askata muruq kaqqa askatami shuntan. Saynöla qamkunapis aykata ofrendayänaykipaqpis shumaq yarpachakurir kushishla ofrendayay. Shonquykikuna nanaykaptinqa ama ofrendayaysu. Kushish ofrendaq kaqtami Tayta Dios kuyan.

*2 Corintios 9.6–7*

## 39 DIOSTA MANA CÄSUKUQ RUNAKUNANO AMA KAWASHUNSU

*1 Juan 2.15–16*

Diosta mana cäsukuq runakunanöqa ama kawayaysu. Paykunano kawarqa Tayta Diosta manami kuyaykäyankisu. Diosta mana cäsukuq runakunaqa shonqunkuna munashqanno lutantami ruraykäyan, imatapis rikashqantami munapaykäyan y lapanpitapis mas ali rikash kaytami munaykäyan. Paykunano kawarqa manami Tayta Dios munashqannösu kawaykäyanki, sinöqa jusasapa runakunanömi.

*1 Juan 2.15–16*

## 48 DIOSPA WILAKUYNINTA PĪMAYMANPIS CHÄSISHUN

*San Mateo 28.18–20*

Discipulunkunaman witiykurmi Jesús nirqan: “Kay pasachöpis y jana pasachöpis lapanpaq munayyuq kanäpaqmi Tayta Dios churamash. Saymi maysay markakunapapis aywar runakunata yachasiyanki discipulü kayänanpaq. Paykunata bautizayanki Tayta Diospa jutincho, Surinpa jutincho y Espíritu Santupa jutincho. Saynöpis yachasiyanki lapan nishqäkunata cäsukuyänanpaq. Noqaqa qamkunawanmi imaypis kaykäshaq kay pasa ushakashqanyaq”. [Amén.]

*San Mateo 28.18–20*

## 37 JESUCRISTUTA QATIRÄSHUN

*San Mateo 6.33*

Imaykaptapis mas puntataqa Tayta Dios mandaykashqancho kawayänaykipaq y pay munashqanno kawayänaykipaq yarpachakuyay. Sayno kawayaptikiqa imata munayashqaykitapis kamaripäyëshunkimi.

*San Mateo 6.33*

## 44 WAKINTAPIS YANAPÄSHUN

*2 Corintios 4.5*

Manami noqakunapa munaynicho kawayänaykipaqsu wilakuyä, sinöqa Señor Jesucristupa munaynincho kawayänaykipaqmi. Noqakunaqa Jesucristuta sirvir qamkunapa ashmaynikinölämi kaykäyä.

*2 Corintios 4.5*

## 41 QEPAMAN AMA KUTISHUNSU

*1 Corintios 15.58*

Sayno kaykaptinqa, kuyay wawqi panikuna, mana qelanaypa y mana ajayaypa Señor Jesucristuta imaypis sirviyay. Musyayashqaykinöpis payta sirviyashqayki manami manakaqlapaqsu kaykan.

*1 Corintios 15.58*

### 38 JESUCRISTUTA QATIRÄSHUN

*San Lucas 9.23*

Nirkurmi lapan runakunata nirqan: Pipis discipulü kayta munarqa shonqun munashqanno ama kawasunsu, saypa trukanqa waran waran cruzninta apaqno noqata qatirämäsün.

*San Lucas 9.23*

### 47 DIOSPA WILAKUYNINTA PİMAYMANPIS CHÄSISHUN

*Hechos 1.8*

Sayno kaptinpis Espíritu Santu qamkunaman shamuptinmi poderninta chaskiyanki. Chaskiskirnami wilakuynita wilakuyanki Jerusaléncho, intëru Judeacho, Samariacho y maysay markakunachöpis.

*Hechos 1.8*

### 42 QEPAMAN AMA KUTISHUNSU

*Hebreos 12.3*

Tayta Diosman yärakuyashqaykipita qepaman mana kutikuyänaykipaq Jesucristo imano nakashqantapis tantiyakuyay. Payqa jusasapa runakuna contran sharkuyaptinpis Tayta Dios munashqannömi imaypis kawarqan.

*Hebreos 12.3*

### 43 WAKINTAPIS YANAPÄSHUN

*San Marcos 10.45*

Runapa Surinpis manami sirvish kananpaqsu shamush, sinöqa sirvinanpaq y runakuna rayku wanur askaqta salvananpaqmi.

*San Marcos 10.45*

### 40 DIOSTA MANA CÄSUKUQ RUNAKUNANO AMA KAWASHUNSU

*Romanos 12.2*

Wakin runakuna jusalikuyaptinpis qamkunaqa ama jusalikuyaysu. Yarpaynikikunapis nawpata kashqannöqa ama kasunsu, sinöqa Tayta Dios munashqannöna kasun. Sayno kawarmi tantiyayanki pay munashqanno kawayqa maypis kushikuypaq kashqanta.

*Romanos 12.2*

### 45 OFRENDASHUN

*Proverbios 3.9–10*

Tayta Diosta adorar imaykipis kashqanpita y chakraykicho punta poquqkunapita ofrendata apay. Sayno aparqa wayikipis kichkishqanyaqmi mikuynikikunata tawqanki. Üvatapis saysikata shuntaptikimi uylluykikunapita vïnupis liwanqaraq.

*Proverbios 3.9–10*